

২৯ মে এইচএসসি পরীক্ষা শুরু ॥ ৯ বোর্ডে পরীক্ষার্থী ৬ লাখ ২০ হাজার

॥ ইত্তেফাক রিপোর্ট ॥

৯ টি শিক্ষা বোর্ডের অধীনে এইচএসসি ও সমমানের পরীক্ষায় এবার ৬ লাখ ২০ হাজার ২০ জন পরীক্ষার্থী অংশ নিচ্ছে। গতবারের চেয়ে এবার পরীক্ষার্থী বেড়েছে ৭৮ হাজার ৮৪২ জন। গতবার এইচএসসি ও সমমানের পরীক্ষায় অংশ নিয়েছিল ৫ লাখ ৪১ হাজার ১৭৮ জন পরীক্ষার্থী।

আগামী ২৯ মে বৃহস্পতিবার সারাদেশে একযোগে ৭টি সাধারণ শিক্ষা বোর্ডের অধীনে এইচএসসি, মাদ্রাসা শিক্ষা বোর্ডের অধীনে আলিম ও কারিগরি শিক্ষা বোর্ডের অধীনে এইচএসসি (বিএম) পরীক্ষা অনুষ্ঠিত হবে। শিক্ষা বোর্ড সূত্র জানিয়েছে, ইতিমধ্যে পরীক্ষার সার্বিক প্রস্তুতি শেষ হয়েছে। সর্বশেষ তথ্য অনুযায়ী ৭

আগামীকাল কাকাদিয়া সিলেট

শিক্ষা বোর্ডে এইচএসসি পরীক্ষার্থীর সংখ্যা ৫ লাখ ২ হাজার ৭৯৬ জন। এর মধ্যে ঢাকা বোর্ডে ১ লাখ ৫১ হাজার ২৪৭ জন, রাজশাহী বোর্ডে ১ লাখ ৩৬ হাজার ৭৪৫ জন, কুমিল্লা বোর্ডে ৫০ হাজার ৭১৯ জন, যশোর বোর্ডে ৭০ হাজার ৮০৯ জন, চট্টগ্রাম বোর্ডে ৪১ হাজার ৫১৫ জন, বরিশালে ৩২ হাজার ১৬৪ জন এবং সিলেট বোর্ডে ১৯ হাজার ৫৯৭ জন। এছাড়া আলিম পরীক্ষায় ৬২ হাজার ৫০৫ এবং এইচএসসি (বিএম) ও ভোকেশনাল পরীক্ষায় ৫৪ হাজার ২১৯ জন পরীক্ষার্থী অংশ নিচ্ছে। এবার মোট ৭ হাজার ১২০টি প্রতিষ্ঠানের পরীক্ষার্থীরা ১ হাজার ৮শ কেন্দ্রে পরীক্ষায় অংশ নেবে।